

Na osnovu člana 16. stav 4. Zakona o Vladi Zeničko - dobojskog kantona – Prečišćen tekst, (“Službene novine Zeničko-dobojskog kantona”, broj 7/10), tačke 14. Rješenja Federalnog Ministarstva energetike, rudarstva i industrije, broj: Up/I broj: 06-18-503/05 od 06.07.2005. godine, a u skladu sa Uredbom o vršenju ovlaštenja organa Zeničko-dobojskog kantona u privrednim društvima sa učešćem državnog kapitala (“Službene novine Zeničko-dobojskog kantona”, broj 5/06 i 42/07), Vlada Zeničko-dobojskog kantona, na prijedlog Ministarstva za privredu, na 95. sjednici, održanoj 27.12.2012. godine, d o n o s i

## **ZAKLJUČAK**

### **I.**

Prihvata se Izvještaj Radne grupe, vezano za rješavanje problematike nastale zbog zabrane eksploatacije kamena krečnjaka na lokalitetu “Široke stijene” kod Zenice.

### **II.**

Zadužuju se Ministarstvo za privredu, Ministarstvo za prostorno uređenje, promet i komunikacije i zaštitu okoliša i Ministarstvo za poljoprivredu, šumarstvo i vodoprivredu da pokrenu postupak i izvrše po hitnom postupku dopunu Zakona o koncesijama (Prečišćen tekst) (“Službene novine Zeničko-dobojskog kantona”, broj 5/03), članom 27a., koji glasi:

#### **“27a.**

Privredna društva koja su dobila pravo eksploatacije mineralnih sirovina, odnosno koncesiju, po ranije važećim propisima, dužna su u roku od tri mjeseca od dana stupanja na snagu ovog Zakona zaključiti Ugovor o koncesiji sa nadležnim ministarstvom, bez provođenja postupka dodjele koncesije, kojim će biti regulisana sva međusobna prava i obaveze između koncesora i koncesionara.”

### **III.**

Ovlašćuje se ministar Ministarstva za privredu Zeničko-dobojskog kantona da, nakon stupanja na snagu Zakona o dopuni Zakona o koncesijama:

- a) predloži Vladi Zeničko-dobojskog kantona visinu naknade za eksploataciju kamena krečnjaka na predmetnom lokalitetu.
- b) predloži Vladi Zeničko-dobojskog kantona iznos sredstava koje je privredno društvo “ŽGP” d.d. Zenica dužno uplatiti na ime naknade za eksploataciju kamena krečnjaka na kamenolomu “Široke stijene” kod Zenice, u ranijem periodu.
- c) Sklopi koncesioni ugovor sa privrednim društvom “ŽGP” d.d. Zenica.

#### IV.

Vlada Zeničko-dobojskog kantona, imajući u vidu javni interes i zaštitu svog dijela kapitala, nalaže Ministarstvu privrede i Ministarstvu za prostorno uređenje, promet i komunikacije da sagledaju zakonske mogućnosti kako bi se privrednom društvu "ŽGP" d.d. Zenica omogućio nastavak rada u kamenolomu "Široke stijene" kod Zenice do zaključenja Ugovora o koncesiji, te prijedlog po istom pripremi u formi predviđenoj za razmatranje na sjednici Vlade.

#### V.

Zaključak stupa na snagu danom donošenja.

Broj: 02-\_\_\_\_\_/12.  
Datum, 27.12.2012. godine  
Zenica

**PREMIJER**

DOSTAVLJENO:  
1x Ministarstvo za privredu,  
1x a/a.

*mr.sci. Fikret Plevljak, dipl.ing.*